

本草綱目拾遺鱗部目錄

脆蛇

環蛇

翠蛇

碧飛

鱗油

斷草烏

龍涎香

龍泄

西楞魚

鮆魚鱗

苦魚

金魚

阿羅魚

渼陂魚

四足魚

河豚目子

蟻蝨魚

蜜姑魚

雪鯈

帶魚

血鱠

沙魚翅

土附

烏魚蛋

青魚膽

白皮子

鮑魚

本草綱目卷之三

白皮子

鮑魚

本草綱目拾遺卷十

錢唐趙學敏恕軒氏輯

合肥張紹棠又堂氏刊

鱗部

胞蛇

雲南志順甯府出胞蛇見人則斷人去復續取而乾之可治腫毒○滇黔記遊出滇黔土司長尺餘伏草莽見人輒躍起跌數段頃復合一色如白金光亮悞拾之觸毒卽斃○陳鼎蛇譜胞蛇產貴州

土司中長尺有二寸圓如錢嘴尖尾禿背黑腹白暗鱗點點可玩見人輒躍起數尺跌爲十二段須臾復合爲一不知者悞拾之卽寸斷兩端俱生頭齧人卽斃出入往來恆有度捕之者置竹筒於其逕側則不知而入其中急持之方可完稍緩則碎矣故名曰胞子家多蓄奇藥曾購得其腊見寸斷處皆光潤如新截然亦一異也○查慎行人海記胞蛇出崑崙山聞人聲卽寸斷人伺其斷鉗取之須寸各異處待風乾入藥若少頃無人聲寸寸仍

續成蛇

治色癆及驚疑喪膽諸症

玉鏡新談

肉熬膏箍癰疽去風癘其骨醋磨圍腫毒良

接斷骨 滇黔記遊脆蛇人得而腊之用接斷骨

價值兼金視其上中下治頭腹脛股無不效

大麻風 生 痢 止 滇略脆蛇一名片蛇產順甯大候

山中長二尺許遇人輒自斷爲三四人去復續乾之色如黃金治惡疽腰以上用首以下用尾又治大麻風及痢近人貨之爲夾棍藥

環蛇

蛇譜云出三佛齊國如環大數圍至數十圍者逐獸卽疾走如轉車輪於千仞山獸入環中卽斃其口眼俱生環之半與尻相對

脂前服之刀劍不能傷

翠蛇

珍異藥品云形如曲蟮長可五六寸蟠旋作圈

治癩毒癰疽良

碧飛

湖州府志武康山多蝮蛇名碧飛大者如圍甕小亦如杯案斧首出目鋸齒方丈而綬色厥雄赤紫厥雌青黑色瞳炳如蜃甲光目亦如之山中人謂有目而無視也春夏布絲草篠人物觸絲激射迅於矢忽不見已攫肉去矣殺人至死霜降絲絕升高樹杪施吐白涎烏鵲下啄則吞之惟鹿以爲膳獵獲之前左足扼其腰中首尾盤繞右足又趾寸解啖無餘者人得而腊之可入藥凡西北諸山自餘英嶺而內皆是物也

治風癆蝮傷人被其齧者還食其肉則生

敏按湖志所言碧飛吾杭山鄉多有之士人名方勝板以其遍身花紋如錦中方勝形匾似板故名嚙人最毒惟野豬能食之土人言冬日蛇蟄地中野豕嗅其氣輒翻石掘土出而啖之蛇性大熱野豬食三條卽能過嚴冬綱目蝮虺爲二蝮卽方勝板虺卽土錦俗呼灰地匾是也惡風頑癆非此猛烈積熱之性驅之則肢廢者不能復舉殆以毒攻毒之義想碧飛或同類而異名者書此以俟証

鱗油

爾雅鱗王蛇注蛇中最大者故曰王蛇今深山處
處有之大小不一色如菜花蛇而較黃頭上皆有
王字亦有黑色者土人名曰烏鱗捕蛇者有呼蛇
法不拘何種蛇呼之卽至末後俟鱗到則諸蛇皆
圍伏不動聽其擇取惟不敢傷鱗鱗傷則諸蛇無
主環起嗾人聞其人云鱗蛇自有此種生而皆有
王字故不論大小也鱗至則諸毒蛇皆不敢傷人
治漏瘡 集驗取鱗油銅鍋內熬熟隨將黃蠟入

本草綱目 卷之三
油內攬勻油紙攤膏貼患處十餘日便封口全愈
按蟒蛇名王字蛇其首天生有一王字予於庚子
在奉化長橋見丐者手握此蛇乞錢其蛇亦不甚
大性頗馴良因以千錢買得縱之綱目諸蛇獨遺
此因急補之

斷草烏

本草綱目 卷之三
粵志斷草烏出廣中蛇也大僅指許長五六寸頭
如龍形而小身純烏其行也百草沾之立斷人見
斷草輒跡得之故蛇每離地丈許使身如矢直以

入穴使不沾草人莫得而跡之此亦烏蛇中一種

綱目烏稍蛇不載龍頭者一種故錄其遺

治大麻風煮酒服

龍涎香

龍泄

通雅龍涎有嶼在花面國傍獨立南海中彼人言
於樹收之最收香氣今大內甜香用之○澳門記
略大食國產龍涎香爲上西洋產於伯西兒海焚
之則翠烟浮空結而不散坐客可用一翦以分烟
縷○嶠南璣記龍涎香新者色白久則紫又久則

黑白者如百藥煎黑者次之似五靈脂其氣近臊
和香焚之則翠煙浮空不散試法將結塊者奮力
投沒水中須臾突起浮水面或取一錢口含之微
有腥氣經宿其細沫已疊餘膠結舌上取出就溼
秤之仍重一錢又乾之其重如故雖極乾枯用銀
簪燒極熱鑽入枯中乘暖抽出其涎引絲不絕驗
此不分褐白褐黑俱真海東札記海翁魚大者三
四千觔小者千餘觔卽海鯀也皮生砂石刀箭不
入或言其魚口中噴涎常自爲吞吐有遺於海濱

者黑色淺黃色不一卽龍涎香也聞土淡水有之
欲辨真贗研入水攬之浮水面如膏以口沫撚成
丸擲案有聲喻之通宵不耗分毫者爲眞每兩值
數十金廣志新安有龍穴洲每風雨卽有龍起去
地不數丈朱鬣金鱗兩目如電其精華在浮沫時
噴薄如澹泉如雨土人爭承取之稍緩則入地中
是爲龍涎或謂龍涎多積於海上枯木如鳥遺狀
其色青黧其香腥雜百和焚之翠烟千結蜿蜒蟠
空經時不散可以翦分香縷然多不眞從番舶來

者出大秦波斯於雨中焚之脰膊有聲者眞坤輿
圖記龍涎香黑人國與伯西兒兩海最多有大塊
重千餘觔者望之如島每爲風濤湧泊於岸諸蟲
鳥獸亟喜食之汪機本草龍吐涎沫可制香○星
槎勝覽錫蘭山國卜刺哇國竹步國木骨都束國
刺撒國佐法兒國忽魯謨斯國溜山洋國俱產龍
涎香○稗史彙編龍涎香白者如百藥煎而膩理
極細黑者亞之如五靈脂而光澤其氣近於臊似
浮石而輕香本無損益但能聚香耳和香而用眞

龍涎焚之則翠烟浮空結而不散坐客可用一翦
以分烟縷所以然者入蜃氣樓臺之餘烈也泉廣
合香人云龍涎入香能收斂腦麝氣雖經數十年
者香味仍存○廣東通志龍涎在水采者褐黑色
在山采者褐白色○東西洋考海傍有花若木芙蓉
花落海大魚吞之腹中先食龍涎花嚥入久卽
脹悶昂頭向石上吐沫乾枯可用惟糞者不佳若
散碎皆取自沙滲力薄○范咸臺灣府志龍涎香
傳爲鯀魚精液泡水面凝爲涎能止心痛助精氣

以淡黃色嚼而不化者爲佳出淡水者皆淡黃色無黑色○朱國楨大政記龍涎香出蘇門答刺國西有龍涎嶼峙南巫里大洋之中羣龍交戲其上遺涎焉國人駕獨木舟伺採之舟如龍形浮海面人伏其中隨風潮上下傍亦用槳龍遇之亦不吞也每一觔值其國金錢一百九十二枚準中國銅錢九千文嘉靖三十四年下戶部取香百觔遍市京師不得下廣東藩司採買部文至臺司集議懸價每觔銀一千二百兩僅得十一兩上進內驗不